

**Faruk Selmanović**  
Zastupnik u Skupštini Kantona Sarajevo

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Skupština Kantona Sarajevo**

**n/r Kolegija Skupštine Kantona Sarajevo**

**Uputiti:** Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP Vodovod i kanalizacija d.o.o. Sarajevo

**PREDMET: Zastupničko pitanje – kvar na transportnom dijelu vodovoda u ulici Zmaja od Bosne i organizacija rada KJKP ViK**

Poštovani,

molim da mi dostavite odgovore na sljedeća zastupnička pitanja:

1. Kada je KJKP Vodovod i kanalizacija d.o.o. Sarajevo prvi put zaprimio informaciju o kvaru na transportnom dijelu vodovodne mreže u ulici Zmaja od Bosne?
2. Na koji način je kvar prijavljen, ko je evidentirao prijavu i u kojem tačno vremenu?
3. Da li KJKP ViK posjeduje organizovane dežurne ekipe za hitne intervencije na vodovodnoj mreži, posebno kada se radi o kvarovima na glavnim transportnim vodovima?
4. Iz kojeg razloga se sa otklanjanjem predmetnog kvara nije pristupilo odmah po saznanju za isti, već se prema dostupnim informacijama čekalo gotovo devet sati prije izlaska ekipa na teren i početka radova?
5. Ko je donio odluku o vremenu izlaska ekipa na teren i da li će biti provedena interna kontrola i utvrđivanje eventualne odgovornosti zbog zakašnjele reakcije?
6. Da li je tačna informacija da je novom sistematizacijom unutar preduzeća ukinut sektor vodovoda?
7. Ukoliko jeste, molim da se dostavi obrazloženje razloga ukidanja sektora vodovoda, kao i informacija ko trenutno upravlja poslovima vezanim za vodovodni sistem i na koji način je organizovano rukovođenje i koordinacija rada u toj oblasti.
8. Da li Ministarstvo komunalne privrede Kantona Sarajevo smatra da postojeća organizacija i sistem upravljanja u KJKP ViK omogućavaju efikasno reagovanje u kriznim situacijama i zaštitu urednog vodosnabdijevanja građana Kantona Sarajevo?

### **Obrazloženje**

Građani Kantona Sarajevo su zbog predmetnog kvara satima bili suočeni sa ozbiljnim problemima u vodosnabdijevanju, dok su informacije o stanju na terenu bile ograničene i neblagovremene. Posebnu zabrinutost izaziva činjenica da je, prema informacijama dostupnim javnosti, proteklo gotovo devet sati od momenta saznanja za kvar do početka radova na njegovom otklanjanju.

S obzirom da se radi o jednom od ključnih segmenata komunalne infrastrukture, neophodno je utvrditi da li su postojali organizacioni propusti, nedostatak dežurnih kapaciteta ili eventualne posljedice reorganizacije unutar preduzeća koje mogu uticati na efikasnost rada vodovodnog sistema i sigurnost vodosnabdijevanja građana.

S poštovanjem,  
**Faruk Selmanović**  
Zastupnik u Skupštini Kantona Sarajevo